



գործ թիվ ՀԿԴ/0037/02/24

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՀԱԿԱԿՈՌՈՒՊՑԻՈՆ ԴԱՏԱՐԱՆ Ո Ր Ո Շ ՈՒ Մ

Հայցադիմումը վարույթ ընդունելու մասին

«12» մարտի 2024թ.

ք. Երևան

ՀՀ հակակոռուպցիոն դատարանի դատավոր Կ.Բադալյանս՝ ծանոթանալով ՀՀ գլխավոր դատախազության ապօրինի ծագում ունեցող գույքի բռնագանձման գործերով վարչության հայցադիմումին և կից փաստաթղթերին.

Պ Ա Ր Զ Ե Ց Ի

ՀՀ գլխավոր դատախազության ապօրինի ծագում ունեցող գույքի բռնագանձման գործերով վարչությունը 11/03/2024 թվականին հայցադիմում է ներկայացրել ՀՀ հակակոռուպցիոն դատարան ընդդեմ Արտակ Ասպարիկի Բաղիկյանի, Նաիրա Ժորայի Գալստյանի, Ասպարիկ Աղվանի Բաղիկյանի, Մարինե Հրանտի Բաղիկյանի, Արայիկ Արտյոմի Ներսեսյանի՝ ապօրինի ծագում ունեցող գույքի բռնագանձման պահանջի մասին:

Հայցադիմումը և կից փաստաթղթերը դատավորի աշխատակազմին են հանձնվել 12/03/2024 թվականին:

Ուսումնասիրելով հայցադիմումը և կից փաստաթղթերը՝ Դատարանը գտնում է, որ հայցադիմումը ներկայացվել է ՀՀ քաղաքացիական դատավարության օրենսգրքի (այսուհետ՝ «Օրենսգիրք») 121, 122-րդ հոդվածների և «Ապօրինի ծագում ունեցող գույքի բռնագանձման մասին» ՀՀ օրենքի 20-րդ հոդվածի 1-ին մասի պահանջների պահպանմամբ, «Հայաստանի Հանրապետության դատական օրենսգիրք» սահմանադրական օրենքի 24-րդ հոդվածի 3-րդ մասի հիմքով այն ենթակա է քննության հակակոռուպցիոն դատարանում, առկա չեն Օրենսգրքի 126 և 127-րդ հոդվածներով նախատեսված՝ հայցադիմումի ընդունումը մերժելու կամ այն վերադարձնելու հիմքեր, հետևաբար հայցադիմումը ենթակա է վարույթ ընդունելու:

Օրենսգրքի 124-րդ հոդվածի 1-ին մասի 1-ին կետի համաձայն՝ հայցադիմումը ներկայացվելուց հետո՝ յոթնօրյա ժամկետում դատարանը կայացնում է որոշում հայցադիմումը վարույթ ընդունելու մասին:

Ելնելով վերոգրյալից և ղեկավարվելով ՀՀ քաղաքացիական դատավարության օրենսգրքի 124, 125, 199-200-րդ հոդվածներով.

Ո Ր Ո Շ Ե Ց Ի

ՀՀ գլխավոր դատախազության ապօրինի ծագում ունեցող գույքի բռնագանձման գործերով վարչության հայցադիմումն ընդդեմ Արտակ Ասպարիկի Բաղիկյանի, Նաիրա Ժորայի Գալստյանի, Ասպարիկ Աղվանի Բաղիկյանի, Մարինե Հրանտի Բաղիկյանի, Արայիկ Արտյոմի Ներսեսյանի՝ ապօրինի ծագում ունեցող գույքի բռնագանձման պահանջի մասին, ընդունել վարույթ:

Որոշումն ուժի մեջ է կայացման պահից և ենթակա չէ բողոքարկման:

ԴԱՏԱՎՈՐ՝



Կ. ԲԱԴԱԼՅԱՆ